

畿輔通志卷一百四十五

略一百

金石八

正定府二城行唐

獲鹿靈壽

井陘平山

阜平樂元氏上

獲鹿縣

唐

鹿泉縣尉皇哲哲頌

龍翔二年立見寶刻叢編

京畿金石考

謹案唐書高宗顯慶五年後一年改元龍朔此蓋碑文

磨滅誤讀爲翔又皇哲哲不可解疑亦舛錯

本願寺尊勝陀羅尼經幢

心經石刻

造石象堂並建經幢記

王元禮等造象題名

造石菩薩銘

常山郡守孫口等題名

幢第一至第五面尊勝陀羅尼經第六面心經下截第一面造石象堂并建經幢記第一面王元禮等造象題名第三面造石菩薩銘第六面常山郡守孫某題名皆正書字甚漫滅無撰書人名後題長安二年歲次壬寅口口景口口甲口案壬寅下殘闕二字當是某月世祖諱昶唐人多以景代丙景口當是月朔通鑑目錄是年七月丙寅朔九月乙丑朔則八月當爲丙申景下一字未知其爲寅爲申

常山貞石志

尊勝陀羅尼經幢正書八面大半磨滅下刻記文有大周字又有朔八(乙)口爲亡親敬造石菩薩等字是武后時刻

心經幢有記並正書八面長安二年

金石分  
域編

謹案建幢記已著號年而石菩薩銘之首別書大周口  
口口口口口朔八②戊口云云蓋非一時所刻

### 本願寺石幢題名

#### 縣令裴琳德政記石刻

今在本願寺內八面兩面無字分兩截行書皆經幢主題  
名惟第三面下載刻縣令裴元瑤德政記第一面上截題  
應天神龍皇帝順天翊聖皇后等十二字正書無號年舊  
唐書中宗紀神龍三年九月庚子上皇帝尊號曰應天神  
龍皇后尊號曰順天翊聖改元景龍知此幢造於景龍間  
惟歲月不可定耳題名有左屯衛翊衛右屯衛翊衛舊書  
職官志龍朔二年改左右屯衛爲左右威衛唐會要左右

威衛光宅元年改爲左右豹韜神龍元年復改爲左右威衛其年七月又改爲左右屯衛景雲二年八月二十八日又改爲左右威衛幢建於中宗上尊號之後知刻於景雲二年八月以前無疑矣

常山貞石志

正書并幢主銜名凡八面兩面無字第三面刻縣令裴元瑤德政記無年月以德政記考之當是中宗景龍間所造

金石分域編

### 本願寺尊勝陀羅尼經幢

正書無年月今在本願寺前幢第二面有寫石經人牛鴻懿名而幢無經疑當時經主人多經與題名分爲二幢此

幢與前幢當同爲牛君所書耳

常山貞石志

大理卿崔昇夫人榮陽縣君鄭氏墓誌銘

馬懷素撰姪瑒正書開元五年十月二十五日立今在北  
新城村三官廟內懷素兩唐書有傳碑列銜常山縣開國  
公傳有之惟不載其爲光祿卿上柱國舊書元宗紀開元  
三年制以光祿卿馬懷素充侍讀正與碑合崔公爲大理  
卿而不載其名惟云長子司農丞璘次子華州參軍連又  
銘後有姪光祿寺主簿瑒考新書宰相世系表崔氏博陵  
大房有元暉相武后中宗弟昇字元樂刑部侍郎元暉第  
四子璚昇長子璘次子連與碑相合崔公卽崔昇無疑元  
暉卽中宗時五王之一也昇附見元暉傳中官至尙書左  
丞當是異日所歷之官

常山貞  
石志

石刻金剛般若波羅密經

正書額題金剛般若波羅密經八字有碑陰開元七年四

月八日立今在縣城內本願寺無書人姓名碑陰末云孫文儁書東面杜嘉旭書西面及口及下字辨之似額字碑惟經文一面有額知書碑陰者爲文儁書經文者乃嘉旭也

常山貞  
石志

正書有額開元七年四月

金石分  
域編

石刻金剛經讚

刻經主題名

右碑陰上截題字兩段左方九行草書右方三行正書不著號年未知何時人中截記讚撰文者爲大雲寺僧了空

常山貞  
石志

碑陰金剛經讚正書下截刻經主鄉望姓名開元七年四

月

金石分  
域編

本願寺專勝陀羅尼經幢

造石佛象

造象題名

經頌石刻

刻經題名

三截上截經文中截佛象象主題名並正書下截刻經頌  
經主題名行書無書人姓名開元九年立今在本願寺元  
和郡縣圖志恒州獲鹿縣本漢石邑縣地隋開皇十六年  
置鹿泉縣貞觀二年改名獲鹿新唐書地理志獲鹿縣本  
鹿泉天寶十五載更名太平寰宇記至德元年改名獲鹿  
舊唐書元宗本紀天寶十五載三月改常山郡爲平山郡  
房山縣爲平山縣鹿泉縣爲獲鹿縣鹿城縣爲東鹿縣蓋

取平定擒獲祿山之意以厭勝之耳此幢建於開元九年

猶稱鹿泉縣足證元和志之誤

常山貞石志

### 石幢蓮花座題名

四面正書無號年今在本願寺題名中人數見本願寺中

宗時石幢及開元七年金剛經碑陰九年陀羅尼經幢當

是開元初所刻

常山貞石志

謹案南面有爲國敬造石幢一所云云則此座乃幢下

趺石也

### 本願寺三門樓碑

行書號年泐今在本願寺碑有刺史仇克義名元和姓纂云開元有左衛將軍仇克義滄州刺史當卽其人書碑人題銜邠王府參將改幽作邠事在開元十二年則此碑當

立於十三年之後矣

常山貞石志

沙門邈撰宜口行書年月泐今尙存一柱凡四面四稜並

刻字

金石分域編

白鹿泉神君祠碑

張抗白鹿泉神君祠碑韋濟撰八分書開元二十四年三

月立真定存

寶刻類編

韋濟撰裴抗分書開元二十四年三月立見寶刻叢編引

諸道石刻錄

京畿金石考

兩面刻文隸書篆額有兩側今在泉子村唐書有兩韋濟

新書宰相世系表韋氏彭城公房有濟爲三原令璿第四

子又小逍遙公房武后中宗相嗣立第三子濟兩唐書皆

附其祖父傳後稱濟早以辭翰聞今此碑非俗士所能所

云恒州刺史當卽此人惟碑立於開元二十四年三月傳稱二十四年爲尙書戶部侍郎豈其由恒州刺史內擢在立碑之後而史略之耶白鹿泉在今獲鹿縣西南十里水經注井陘水世謂之鹿泉水東北流屈經陳餘壘又東注綿蔓水卽泚水也韓信斬陳餘於此

常山貞石志

韋濟撰裴抗八分書篆額兩面刻文開元二十四年三月案縣志白鹿泉亭在縣西南十里許鹿泉之側今廢泉神祠在縣西八里許鹿泉之北有唐開元二十四年恒州刺

史韋濟碑

金石分域編

謹案寶刻類編作張抗與正定柳令譽碑同誤說見正定

碑陰

八分書

金石分域編

杜神泉等題名

白鹿泉神君碑右側題名第三段隸書爲白鹿泉神主杜

神泉等題名當與碑文同時刻

常山貞石志

本願寺銅鐘銘碑

開元十九年東京大福寺口口纂集書

觀妙齋金石文考略

撰書人名缺無年月直隸獲鹿

寰宇訪碑錄

行書有碑陰及左側開元二十六年立今在本願寺撰書

人名已泐惟見東京大福四字又已下第三字左旁從水

疑是沙門沙上當是寺碑立於開元二十六年已稱東都

爲東京與元和郡縣志唐書地理志所云改東都爲東京

始於天寶元年不合案此文載唐文粹第六十七卷獨孤

及撰案新書本傳及天寶末舉第當是居鄉時爲沙門捉  
刀者今以石本與文粹對校其中互有異同而文粹本譌

脫頗多

常山貞  
石志

謹案此文毘陵集不載

碑陰記

碑陰題名

右碑陰乃鹿泉縣本願寺都維那慧仙於開元十七年同  
邑里信士曾義纂等造鐘十九年二月八日鑄成十月鐘  
樓亦就至廿六年建碑八分書凡諸信施皆正書而曾義  
纂以俗人稱五戒何也

金石  
錄補

前二行八分書餘正書開元二十六年直隸獲鹿

寰宇訪  
碑錄

碑陰前二行八分書題名正書開元二十六年三月十日

金石分

域編

謹案五戒卽居士戒本俗人之稱也此記列在前三行訪碑錄及分域編皆作二行殆未見拓本者

田垂棘等造象記

右記在銅鐘銘碑左側鹿泉縣丞田垂棘造菩提象一軀於銅鐘銘之碑額又造二侍菩薩於象側而爲之記八分

書係開元廿六年建碑時造

金石錄補

隸書無年月考鹿泉之改獲鹿在天寶十五載此刻猶稱

鹿泉縣當是開元間所造

常山貞石志

謹案此記造象卽前碑之額葉奕苞云建碑時造其說

不誤

本願寺造舍利塔並北堂石象之碑

此碑獲鹿孫按察掘地得之乃鹿泉信士畢瑜造塔藏舍

利者行草亦不惡石理脆亡其真耳然是唐碑中之最下

者石墨鏤華

大厯五年六月立京畿金石考

行書開元十七年二月江蘇青浦王氏搨本寰宇訪碑錄謹案兩書

出一手而考列此碑年月不同爾爾蓋碑文甚晦斯皆臆度之言也

碑行書額八字正書金石萃編

碑記鹿泉信士畢瑜造舍利塔並合寺諸釋及麴客良等

建釋迦石象開元八年繕理畢越九年作噩歲春仲望乃

與前塔合而為頌則當開元九年辛酉歲也平津讀碑記

行書額十六字正書天寶四載二月十五日立今在本願

寺無書撰人姓名歐趙諸家皆未著錄金石萃編錄此碑

額遺其八字碑云開元八年繕理畢經始於今廿有五載  
是時碑旣未淪而振恐俱歿王又徙職壽陽法門智秀恐  
歲月浸遠元由茂聞越九年作噩歲春仲望乃與前塔合  
而爲頌云云考太歲在西曰作噩開元八年歲次庚申越  
二十五載當天寶四載又越九年當天寶十三載甲午與  
作噩歲不合竇宇訪碑錄謂碑立於大厯五年六月案碑  
云作噩歲仲春與六月之說已不符大厯五年庚戌亦不  
得加作噩之稱且上距開元八年已四十一年與所云二  
十五載越九年之說又不合考天寶四載歲次丁酉距開  
元二十五年正得九年竊意文中二十五載乃開元二十  
五年非謂上距開元八年有二十五年也

常山貞  
石志

謹案洪頤煊以越九年卽爲開元之九年太歲在西似

可通矣而上文經始於今廿有五載云云何以解之沈  
濤定此碑爲天寶四載乙酉歲立甚確又案濤書所引  
大厯五年之語乃金石考非訪碑錄也且濤書大厯五  
年上距開元八年實五十一年誤作四十一年天寶四  
載乙酉誤作丁酉蓋梓刊之誤

碑陰題名

碑左側題名

碑右側題名

皆正書

常山貞石志

鹿泉胡神祠文

鹿泉胡神祠文來復撰并書寶厯二年四月眞定

寶刻類編

來復撰并書寶厯二年四月立見寶刻叢編引復齋碑錄

京畿金石考

謹案元脩白鹿泉亭記云韓信下全趙方出井陘口師患無井信遣胡將周而索之見二白鹿跑地泉始出漢室成平郡人義之於泉左立胡王神祠云云此碑云鹿泉胡神蓋卽胡王祠也

僧湛口題記

白鹿泉神君碑右側第一段正書首行題東京大福口沙門湛口詞案唐以河南府爲東京宋以汴梁爲東京湛口不知何代僧以楷法辨之知非宋以後人所作

常山貞石志

白鹿泉神君碑右側分三層第一層爲東京僧湛口題記

年號泐

金石分域編

謹案金石錄目有唐沙門湛然題井陘山壁詩二邑壤